

ए॒वाग्नि॒र्गोत॑मेभिर्च॒र्त॒तावा॒ विप्रै॑भिर॒स्तोष्ट॑ जा॒तवे॑दाः ।

स ए॒षु द्यु॒म्नं पी॑पय॒त्स वाजं॑ स पु॒ष्टिं या॑ति॒ जोष॒मा चि॑क्त्वि॒त्वा ॥ ५ ॥

७८

अ॒भि त्वा॒ गोत॑मा गि॒रा जा॒तवे॑दो वि॒चर्ष॑णे । द्यु॒मैर॒भि प्र णो॑नुमः ॥ १ ॥

तमु॑ त्वा॒ गोत॑मो गि॒रा रा॒यस्का॑मो दुव॒स्यति॑ । द्यु॒मैर॒भि प्र णो॑नुमः ॥ २ ॥

तमु॑ त्वा॒ वाज॑सा॒तम॑मंगि॒रस्व॑ङ्गवामहे । द्यु॒मैर॒भि प्र णो॑नुमः ॥ ३ ॥

तमु॑ त्वा॒ वृ॒त्रह॑न्त॒मं यो द॑स्यै॒रव॑धू॒नुषे॑ । द्यु॒मैर॒भि प्र णो॑नुमः ॥ ४ ॥

अ॒वो॒चाम॒ र॒ह॒गणा॒ अ॒ग्नये॒ मधु॑म॒द्वचः॑ । द्यु॒मैर॒भि प्र णो॑नुमः ॥ ५ ॥

७९

हि॒र॒ण्य॒केशो॑ रज॒सो वि॒सारे॑ऽहि॒र्धुनि॑र्वा॒त इ॒व ध॑र्जी॒मान् ।

श्रु॒चि॒भ्राजा॒ उ॒षसो॒ नवे॑दा॒ यश॑स्वती॒रप॒स्युवो॒ न स॒त्याः ॥ १ ॥

आ ते॑ सु॒पर्णा॒ अ॒मिन॑न्त॒ एवैः॑ कृ॒ष्णो नो॑नाव वृ॒षभो॒ यदी॑दं ।

शि॒वाभि॑र्न स्म॒र्यमा॑नाभि॒रागा॒त्यत॑ति॒ मिहः॑ स्त॒नय॑त्य॒भ्रा ॥ २ ॥

यदी॑मृ॒तस्य॒ पय॑सा॒ पि॒या॒नो न॑यन्नु॒तस्य॒ प॒थिभी॒ रजि॑ष्ठैः ।

अ॒र्य॒मा मि॒त्रो व॑रु॒णः प॑रि॒ज्मा त्व॑चं पुं॒च॒त्युप॑रस्य॒ योनौ॑ ॥ ३ ॥

अ॒ग्ने वाज॑स्य॒ गोम॑त॒ ईशा॑नः स॒हसो॒ य॒हो ।

अ॒स्मे धे॑हि जा॒तवे॑दो॒ महि॑ श्रवः ॥ ४ ॥

स इ॒धा॒नो व॑सु॒ष्कवि॑र॒मिरी॑ळे॒न्यो गि॒रा ।

रे॒वद॑स्मभ्यं पु॒र्वणी॑क दी॒दिहि॑ ॥ ५ ॥

क्ष॒पो रा॑ज॒न्नुत॒ त्मना॑ग्ने॒ वस्तो॑रु॒तोष॑सः ।

स ति॒ग्मज॑म्भ॒ रक्ष॑सो॒ दह॑ प्र॒ति ॥ ६ ॥

अ॒वा॒ नो अ॒ग्न उ॒तिभि॑र्गा॒यत्र॑स्य॒ प्रभ॑र्मणि । वि॒श्वा॒सु धी॒षु व॑द्य ॥ ७ ॥

आ नो॑ अ॒ग्ने र॒यिं भ॑र स॒त्रासा॑हं वे॒रण्यं॑ । वि॒श्वा॒सु पृ॒त्सु दु॑ष्टरं ॥ ८ ॥

आ नो॑ अ॒ग्ने सु॒चे॒तुना॑ र॒यिं वि॒श्वायु॑पोष॑सं । मा॒डी॒कं धे॑हि जी॒वसे॑ ॥ ९ ॥